



www.BibleForChildren.org


उत्पत्ति 1




ताँन भन्दा ओंसाँ परमेश्वरजी
मु नेरो पृथ्वी बनेइ।



पृथ्वी छाबन मुँ बिब था
आसेल धै तोड़ आरेल। मा
इयुँइए फिर मिछु खैरिमल। धै
परमेश्वरए प्लह क्युए फिर
स्युररिमल।




झाइले परमेश्वरजी “मि म्त्रॉयँरिगे” बिमा मि म्त्रॉयँड।
परमेश्वरजी मि म्त्रॉबने “त्हिंइ” बिइ, धै मिछु खैबने “म्हुँइसा”
बिइ। डेसा तइ धै न्हँग तइ, च ओँसोंबै त्हिइ मुँल।



झाइले परमेश्वरजी बिइ, “क्युए म्हाँजोर कल्हयो घि तरिगे, धै
चइ क्यु डिहंबाँ लरिगे,” बिमा परमेश्वरजी बनेसि च कल्हयोए
न्होंबै नेरो फिबै क्यु स्यो-स्यो लमिंमा छान् तयाइ।
परमेश्वरजी च फिबै कल्हयोने “मु” बिइ। डेसा तइ धै न्हाँग
तइ, च डिहरोबै तिहंइ मुँल।



झाडले परमेश्वरजी बिड, “मुए न्होंबें क्यु कल्हयो घिर खागु
तयाद् धै ओबानो कल्हयो म्नायाद्!” बिमा छान तयाड।
परमेश्वरजी ओबानो कल्हयोने “पृथ्वी” बिड, धै खागु तबै
क्युने “मा ड्युँड” बिड। धै परमेश्वरजी इहयोमा च छयाँब
मुँल।



झाड़ले परमेश्वरजी बिड़, “सड़ टहा-टहुमें, प्लु तबै रो-रोबै धुंमें
नेरो खें-खेंमें पाहसि प्लु तबै सिंधुंमें म्लोरिगे,” बिमा छान्
तयाइ। डेसा तइ धै न्हांग तइ, च
सांरोबै त्हिंड मुंल।



झाड़ले परमेश्वरजी बेल्ले थेबै चारबै सै
डिंहं बनेइ। थेबै चारबै सै त्हिंइर प्रेबै
ल्हागिर नेरो च्योबै चारबै सै म्हुँइसर
प्रेबर बनेइ। धै खीजी मुसारमें या
बनेइ। डेसा तइ धै न्हांग तइ, च
प्लिरोबै त्हिंइ मुँल।



परमेश्वरजी बिड़, “क्युर सो
प्ह्याबै सैमैड़ प्लिरिगे धै
नमैमैँ मुर प्हररिगे।” डेसा
तइ धै न्हाँग तइ, च
इहरोबै त्हिंड मुँल।




परमेश्वरजी बिड़, “पृथ्वीइ स्यो-स्योबै धिर न्हबै खेदोमें, सर
फोइ कल्याँसि प्रबै प्हँलाँ-प्हँलुँमें नेरो कह्योँबै खेदोमें या
लरिगे,” बिमा छान् तयाइ।



धबै परमेश्वरजी बिड़, “तारे म्हि ड्यो धॉन् तब ड्यो धॉन्
ब्योब बनेले। चमैड मा ड्युँडुर्बे ताँगमै, मुर्बे नमैमै, धिर न्हबै
खेदोमै, क्हयोर्बे खेदोमै नेरो सर प्रबै ताँन् सैमै फिर कल्हे
लरिगे।” ह्योसजी बनेबै तोन्दोरि सै
परमेश्वरजी इह्योमा बेल्ले छयाँब
मुँल। डेसा तइ धै न्हॉग
तइ, च टुरोबै त्हिंइ मुँल।



याहवेह परमेश्वरजी अदनए बगैंचा इह्योबर नेरो ताब स्युइब
लबै लहागिर म्हि चर बोसि थेंमिंइ।




झाडले खीजी म्हिने बिड,
“बगैँचारैँ ताँन् सिंधुँरैँ रो
क्विहड तोड आमैँन्ले
चस्याँ तम्। दिलेया
छयाँब नेरो आछयाँब
सेल लमिँबैँ ज्ञान पिँबैँ
रो बिस्याँ क्विहड आचद्।
तलेबिस्याँ च रो चबैँ
तोदोँन् क्विह सियाब्मुँ।”



छले म्हिइ न्हबै खेदोमें, मुर प्हुर्बै नमेमें नेरो ताँन क्हयोँबै
खेदोमेंए मिं थेंइ। दिलेया आदमए ल्हागिर इहेंब नेरो ल्होब
खाबै आयौल।



छतसि याहवेह परमेश्वरजी म्हिलाइ थेबै न्हरु चहुइमिसि चए
रेसिं घि टहुइसि चर सेइ प्लिमिंइ। याहवेह परमेश्वरजी
म्हँडँले टहुइबै रेसिंँडँले च्हमिरि घि बनेसि म्हि डार पखइ।



छतसि मुँयुँइ ह्रॉसए आबा-आमालाइ पिसि ह्रॉसए
प्हेंस्योने विहरिमुँ। धै चमैए ज्यु घिन् तमुँ।



तलेबिस्याँ खीए च्हए फिर बिश्वास
लब्में खाबै या नास आतरिगे, बरु
खोंयोंइ आनुबै छह योंरिगे बिसि
परमेश्वरजी ह्युलबै म्हिमेंने ल्हें
म्हाँया लसि खीए घि दे
मुँबै च्ह पिंइ।



रोमी 3:23

तलेबिस्याँ तान् म्हिइ पाप लइमुँ, छतसि
खी डार फेनेल् आखाँइमुँ।

रोमी 6:23

तलेबिस्याँ पाप लबमँइ योंबै नों सिब ग! दिलेया
परमेश्वरजी छलेन पिंबै दान इयोए प्रभु येशू ख्रीष्टउँइले
खोंयोँइ आखाँबै छह योंब् ग।

हिब्रू 9:27

तान् म्हिमें तिब्ले सिल् त्हुम्, धै सिबै लिउँइ
परमेश्वरजी लबै इन्साफर राल् त्हुम्।



एफिसी 2:8,9

छतसि परमेश्वरए दयाम्हाँयाइ लमन् कहेमैँए बिश्वासउँइले
कहेमैँइ मुक्ति योंइमुँ। कहेमैँइ छयाँबै केमैँ लसि चु मुक्ति योंब
आडिं, चुम् परमेश्वरजी छलेन पिंब् ग। छयाँबै केमैँ लसि
म्हिमैँइ मुक्ति योंल् आखाँ। छतसि छयाँबै के लइ
बिसि खाबै या थेब् प्हेँल् आत्हु।

रोमी 10:9,10

तलेबिस्याँ किहइ होंसए सुँइ “येशून् डए प्रभु ग” बिसि अरूलाइ
साक्षि पिंम बिस्याँ, झाइले “परमेश्वरजी येशूलाइ सिबइले धबै
सोगों लमिँइ” बिसि सैँर बिश्वास लम् बिस्याँ किहइ मुक्ति
योंल्मुँ। तलेबिस्याँ इयोए सैँइ बिश्वास लसिन् इयो परमेश्वरए
उँइँर ठिक ठदिम, झाइले इयोए बिश्वास लबै ताँ
अरूलाज्यै या बिमिँस्याँ इयोइ मुक्ति योंमुँ।



यूहन्ना 3:16,17

तलेबिस्व्याँ खीए च्हए फिर बिश्वास लब्में खाबै या नास आतरिगे,
बरु खोंयोँइ आनुबै छह योंरिगे बिसि परमेश्वरजी ह्युलबैँ म्हिमेंने
ल्हें म्हाँया लसि खीए घि दे मुँबै च्ह पिंइ। तलेबिस्व्याँ ह्युलबैँ
म्हिमें दोषि ठदिबर परमेश्वरजी ह्वाँसए च्हलाइ कुलब आडिं,
दिलेया चमैलाइ जोगेबर कुल्मिंइ।

१ यूहन्ना 5:11-13

परमेश्वरजी पिंबै ग्वाइ चुन् गः खीजी इयोलाइ खोंयोँइ आखाँबै
छह पिंइमुँ, धै च छह खीए च्हउँइले इयोइ योंम्। खाब्ने परमेश्वरए
च्ह टिमुँ, चइ च छह योंइमुँ, दिलेया खाब्ने परमेश्वरए च्ह आटि,
चइ खोंयोँइ आखाँबै छह आयों। ओ, परमेश्वरए च्हए फिर बिश्वास
लब्में! क्हेमैँइ खोंयोँइ आखाँबै छह योंइमुँ बिसि पक्का था सेरिगे
बिसि इइ चु प्हिछया क्हेमैँलाइ प्हिब् ग।



उत्पत्ति 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Gorong Central Bible (gvr) © 2020, Wycliffe Bible
Translators, Inc. All rights reserved.

<https://live.bible.is/bible/GVRWBT/MAT/1>

©2024 Bible for Children, Inc.

www.M1914.org

www.bibleforchildren.org

